

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Quibusdam præmillis referuntur sententiæ,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

DE SCIENTIA FUTVRORVM CONTINGENTIVM. 229

§. I.

Quibusdam premissis referuntur sententiae.

27. **N**otandum primò, Quod quando queritur, ante vel post decretum: per illas particulas, *Ante*, & *Post*, non significatur prioritas, vel posterioritas realis (que non potest esse in Deo, cum omnne quod in illo est, sit *æternum*) sed rationis, cum fundamento in re. Id est, quod intellectus habeat fundamentum concipiendi unum prius alio, v. g. decretum futuritione: hoc autem fundamentum nullum aliud esse potest, quam dependentia unius ab altero, hoc est futuritionis à decreto. Unde inquirere, an Deus cognoscat futura ante decretum, idem ac postulare, an ea cognoscat independenter ab illo.

28. Notandum secundò, Theologos distinguere duplex genus decretorum in Deo: quædam ex sua natura, & ex propria virtute efficacia, antecedenter ad ipsum effectum contingentem, & determinationem ejus, utpote causativa hujus determinationis, & contingentia, seu libertatis actualis, unde & *prædeterminantia* appellantur; & hæc decreta asseruntur à Thomistis, rejiciuntur à Recentioribus, qui putant ea inferre necessitatem, hoc ipso quod antecedenti efficaciam, immutabilem, determinationem causæ contingentis, & liberae inferunt. Alia sunt decreta, quia ipsi vocant *Benigna* & *Temperata*: quia videlicet ex propria efficacia sua, non efficiunt determinationem causæ liberae, sed illam supponunt à Deo prævisam per scientiam medium: unde talia decreta non præbent causis liberis concursum determinativum, & causativum determinationis illarum: Sed purè indifferente, & ab illis determinabilem, saltem quantum ad speciem actus.

29. Notandum tertio, Ad hoc ut aliquid possit habere rationem medijs ducentis in cognitionem alterius, duo necessariò requiri. Primò ut antecedat, prioritatem saltem naturæ & causalitatis, rem quam manifestat: si enim esset purè concordans, & ei correlatum; cum concomitantia & relata sint simul cognitione & natura (ut docent Philosophi) illa simul cognoscerentur, & utrumque reciprocè esset ratio cognoscendi aliud, ut constat in paternitate, & filiatione. Secundo, illud quod haber rationē medijs respectū alterius, debet habere necessariam, vel saltem infallibilem cum eo connexionem; quia cum cognitio unius ex alio, vel in alio æquivaleat eminenter discursu, & nullus discursus sit bonus, nisi hujus medium & antecedens, habeat necessariam, vel saltem infallibilem connexionem cum consequenti, oportet ut medium quod certò & infallibiliter ducit in cognitionem alterius, habeat necessariam, vel saltem infallibilem cum eo connexionem.

30. Notandum quartò, Aliquam cognitionem posse dici & esse conjecturalem duobus modis: subiectivè scilicet, & obiectivè; sive ex parte cognoscens, & rei cognitæ. Dicitur conjecturalis primo modo, quando cognoscens dicitur quibusdam signis, & conjecturis ad proferendum judicium de aliqua re: quo pæsto medicus explorando pulsus infirmi, vel inspicio ejus sanguinem, att' urinam, judicat conjecturaliter de ejus valetudine, vel morte futura. Et hæc cognitio conjecturalis, cum sit imperfecta, & im-

A pôrret dubietatem, & incertitudinem ex parte cognoscens, non potest Deo competere. Secundo modo cognitio dicitur conjecturalis, quando aliquis cognoscit habitudinem & inclinationem quam habet aliqua causa ad producendum aliquem effectum, qui regulariter, & ordinariè, non tamen semper & infallibiliter, ab illa provenit: v. g. quando aliquis cognoscit nubes hyberno tempore esse inclinatas ad pluendum, & arbores tempore verno, vel aestivo, ad emitendos flores, vel producendos fructus: dicitur habere cognitionem conjecturalem ex parte objecti & rei cognitæ. Et hæc cognitio, cum nullam dicat imperfectionem ex parte cognoscens, sed solum ex parte rei cognite, non debet Deo denegari. His præmissis.

Circa propositam questionem variè sunt Theologorum sententiae: licet enim omnes Recentiores in eo convenient, quod Deus futura contingentia & libera certò cognoscat, ante decretum, & prædefinitionem suæ voluntatis: in assignando tamen medio, in quo illa contemplatur, ita inter se dissident ac discordant, ut vix possit tam multiplex opinandi & sentiendi diversitas in ordinem redigi. Ut tamen aliqualiter id possit intelligi.

Notandum quintò, Futura contingentia non posse nisi duplixi viâ cognosci, scilicet vel in se, vel in suis causis. In se, vel ratione veritatis determinata, quam habeant in seipisis, vel ratione præsentiae seu existentiae quam habeant in aliqua mensura superiori, in qua non tam ut futura, quam ut præsens attingantur, & consequenter ut determinata. Item in causis suis possunt considerari, vel in causis proximis creatis, vel in causa increata & divina. In causis creatis, vel prout continentur in virtute propria talis causæ create secundum se; vel ut continentur in ea, quatenus determinata à Deo. In causa etiam divina & increata possunt considerari, vel ut contenta in ipsa divina virtute secundum se, vel ut contenta in virtute divina, quatenus determinata decretò divina voluntatis; quod decretum potest esse vel determinans & causans ipsam causam liberae, & contingentis determinationem; vel indifferens, & expectans determinationem à causa libera, ut in ejus actus influat. Denique divinum decretum potest considerari ut actuale & exercitum: vel ut futurum & ponendum; & juxta omnes istas considerationes, diversæ orta sunt sententiae, circa modum quod Deus cognoscit futura contingentia & libera, seu circa medium in quo illa contemplatur.

E Prima est Aegidij Romani in 1. dist. 38. ubi docet Deum cognoscere futura contingentia ante decretum, in suis ideis, vel in sua essentia, ut habet rationem ideæ, aut speciei impressæ.

Secunda est Molinæ h[ab]it[us] disp. 4. & Beccani tomo 1. summæ Theol. cap. 10. quest. 9. qui assertunt Deum antecedenter ad suum decretum, & determinationem suæ voluntatis, suā infinitā intelligentiā, penetrare & cognoscere quid unaqueque voluntas creata, sub quocumque statu & conditione ponatur, de facto volet, & in quam partem se inclinabit, dummodo Deus præbeat illi concursum ad hoc necessarium, nec suspendat illum. Quem concursum, pro causis liberi, Molina vult esse indifferente, & sub indifferencia voluntati oblatum, ut illa eligat, & determinet; & ita in viilius, Deus nō cognoscit actus nostros

F f iii

Tom. I.

liberos, sed tota illorum certitudo, & determinata cognitio, ad penetrationem voluntatis humanae, sub illo concursu indifferenti seipsum determinantis reducitur. Hanc autem penetrationem, & perfectissimam cognitionem voluntatis humanae, vocat Molina *supercomprehensionem*, ad distinctionem cognitionis divinae ab angelica, que licet comprehendat voluntatem hominis, in ea tamen non cognoscit actus nostros liberos, sicut Deus.

Tertia sententia est Fonseca Tomo 3. Metaph. & Suaris libro 2. de Scientia Dei cap. 8. ubi docent Deum cognoscere futura contingentia, & nostros actus liberos, in suo decreto, non quidem actuali, & exercito, (ut voluit Thomistæ) sed futuro, & ponendo in sequenti signo rationis.

Quarta qua his temporibus apud Recentiores invaluit, asserit Deum non cognoscere futura contingentia in aliquo medio objectivo, sed immediate in seipsis, & secundum propriam illorum cognoscibilitatem, & veritatem objectivam, quam dicunt habere independenter à divino decreto, ex natura & vi contradictionis: vel ex suppositione eventus futuri, & ex eo quod propositio de futuro, aliquando habebit unam de praesenti, seu de inesse veram. Ita docent Vazquez, Herice, Martinonus & alij. Quam sententiam probabilem reputat Suarez libro 2. de Scientia Dei cap. 2.

Non est prætermittenda Theophilii Rainaudi singularis sententia, quā asserit, Deum per scientiam medium cognoscere quid factura esset voluntas creati in his vel illis circumstantijs, si sibi ipsi relinqueretur, & si se sola sine concurso illius operari posset. Ita expressè docet in libro cui titulus est, *Nova libertatis explicatio*, parte 2. cap. 4. num. 35. ubi haec scribit: *Operatio creature non antecedit actu & reipsa concursum divinum, sed tantum conditionate, quatenus ante Dei concursum actu exhibatum, obicitur divino intellectui operatio voluntatis creata, tanquam exortura ab ea, si ipsa voluntas se sola posset agere.*

Doctrina Thomistarum in tot opinionum varietates non scinditur, nec in tot se se implicat sententiarum labyrinthus: *Vera enim sapientia* (inquit Dionysius) *est à multis opinionibus convergens, & ad unam, veram, & uniformem congregans cognitionem, & uno unitivo lumine compleans.* Super que verba D. Thomas ibidem lecit. 4. sic habet: *Illi qui cognoscunt veritatem, convenient in una sententia; sed illi qui ignorant, dividuntur per varios errores.* Vera ergo sententia sicut in unico medio, in quo docet Deum ab æterno futura contingentia certo & infallibiliter præscire: decretum scilicet efficax sua voluntatis, attingens non solum substantiam, sed etiam modum libertatis, & contingentia in rebus liberis, & contingentibus; illasque transferens à statu merita possibilis, ad statum determinata futuritionis; ac proinde faciens illas præsentes in mensura aternitatis, qua cum sit infinita simul & indivisibilis, ambit totum tempus, & omnes differentias ejus, ut dicit D. Thomas hic art. 13. Ita docent antiqui Thomistæ, Capreolus, Cajetanus, & Ferrariensis; & ex Recentioribus Bannez, Nazarius, Zumel, Albeda, aliisque plures, quos referunt Salmanticenses, & sequuntur discipuli Scotti, imitantes Subtilem Magistrum in 1. dist. 35. quest. unica, & dist. 39. quest. 1. §. Viso de contingentia rerum. Et ex Societate Henricus, Gra-

Cap. 4.
de di-
vin no-
min.

A nadus, & Ruisius, citati ab Alarcon tomo 2. disp. 2. cap. 6. qui duo ultimi admittunt præscientiam absolorum fundari in decreto absoluto: primus vero docet præscientiam, etiam conditionatorum, à decreto conditionato pendere, ut constabit ex eius verbis disputatione sequenti referendis.

§. II.

Demonstratur nihil esse determinatè futurum ante decretum, & prædefinitionem divina voluntatis.

A Nrequam varias illas extrancorum sententias, quas præcedenti §. exposuimus, & diversa illa media, in quibus Recentiores docent, Deum futura contingentia, certo cognoscere ante decretum, sigillatim, & in particulari confutemus; firmiter statuendum ac demonstrandum est, nihil esse determinatè futurum ante decretum & prædefinitionem voluntatis divina, nec proinde cognoscibile ut tale ab intellectu divino; ut ex hoc generali principio, tota Adversariorum doctrina funditus evertatur, & scientia media, pro cuius defensione varia illa media excoigitata sunt, penitus corruat, & in ipso hujus disputationis exordio veluti præfocetur.

Dico igitur, nihil esse certò & determinatè futurum, ante decretum & prædefinitionem divina voluntatis, determinantis extrahere res ex statu & massa possibilis, eisque dare existentiam in aliqua differentia temporis.

Conclusio posset probari variis autoritatibus Sanctorum Patrum, præsertim D. Augustini, & S. Thomæ: Sed quia plures infra referemus, hic unicum, sed egregium, utriusque Sancti Doctoris testimonium proferre satius erit. Invenitissimus ergo divinæ gratiæ defensor libro 26. contra Faustum cap. 4. reddens rationem cur fateatur se nescire an aliquid sit futurum: *Ideo (inquit) nescio, quia quid habeat de hac re voluntas Dei latet: illud me tamen non latet, sine dubio futurum, si hoc Dei voluntas habet.* Quibus verbis apertissimè docet nostram conclusionem, & futurionem rerum, in decretum & determinatè futurum voluntatis divinae, tanquam in primam causam reducit.

Vestigia Augustini fideliter secutus est fidelissimus ejus discipulus D. Thomas: nam in hac parte quæst. 16. art. 7. ad 3. hac scribit: *Illud nunc est, ex eo futurum fuit antequam esset, quia in causa sua erat ut fieret, unde sublatâ causâ non esset futurum illud fieri; sola autem causa prima est æterna, unde non sequitur quod ea quae sunt, semper fuit verum ea esse futura, nisi quatenus in causa sempiterna fuit ut essent futura, que quidem causa est solus Deus.* Ex quibus ita arguo. Eatenus tantum aliquid est futurum ab æterno, quatenus in causa prima fuit ut esset futurum: At non fuit ut esset futurum in causa prima, ratione omnipotentie, ut considerata in actu primo, nam ut sic tantum dat denominacionem possibilis: Ergo fuit ut esset futurum in causa prima, ut per decretum liberum determinata, ad dandam effectui existentiam in tempore; & consequenter, non præintellexit divinò decretò, nihil potest esse aut intelligi sub ratione futuri, ex mente & doctrina Sancti Thomæ.

Probatur secundò ratione fundamentali, desumpta ex natura & definitione futuri, suprà à nobis exposita. Futurum enim est illud quod est determinatum in suis causis ad habendam existentiam